



Broj: UP-11-01-38-23218-11/16
Sarajevo, 05.04.2016. godine

Na osnovu člana 24. Zakona o srednjem obrazovanju ("Službene novine Kantona Sarajevo", broj 23/10), rješavajući po zahtjevu Univerziteta Sarajevo School of Science and Technology - kao osnivača u vezi sa osnivanjem srednje škole pod nazivom „GIMNAZIJA UNIVERZITETA SARAJEVO SCHOOL OF SCIENCE AND TECHNOLOGY“ Sarajevo, i uvođenju odgovarajućih podataka u Registar srednjih škola Kantona Sarajevo, Ministar za obrazovanje, nauku i mlade Kantona Sarajevo donosi

RJEŠENJE

I

Utvrđuje se da ustanova Gimnazija Univerziteta Sarajevo School of Science and Technology Sarajevo ispunjava uvjete za obrazovanje redovnih učenika u skladu sa utvrđenim nastavnim planom i programom Gimnazije Univerziteta Sarajevo School of Science and Technology, Sarajevo. Nastava u Gimnaziji Univerziteta Sarajevo School of Science and Technology izvodit će se na engleskom jeziku.

II

Gimnazija Univerziteta Sarajevo School of Science and Technology, Sarajevo upisana je u Registar srednjih škola Kantona Sarajevo pod **rednim brojem 41 na strani 41.**

Obrazloženje:

U skladu sa odredbama Zakona o srednjem obrazovanju ("Službene novine Kantona Sarajevo", broj 23/10), obratio se rektor Univerziteta Sarajevo School of Science and Technology Sarajevo, akademik prof. dr. Ejup Ganić kao osnivač sa zahtjevom za utvrđivanje ispunjavanja uvjeta za početak rada srednje škole pod nazivom „GIMNAZIJA UNIVERZITETA SARAJEVO SCHOOL OF SCIENCE AND TECHNOLOGY“ Sarajevo i zahtjevom za uvođenje odgovarajućih podataka u Registar srednjih škola Kantona Sarajevo.

U skladu sa zakonom i drugim relevantnim dokumentima, Ministar za obrazovanje, nauku i mlade Kantona Sarajevo je formirao Komisiju za utvrđivanje uvjeta za rad Gimnazije Univerziteta Sarajevo School of Science and Technology, Sarajevo, koja je izvršila uvid u priloženu dokumentaciju i prostorne uvjete u iznajmljenom objektu Gimnazije Univerziteta Sarajevo School of Science and Technology koje predstavlja sjedište Gimnazije Univerziteta Sarajevo School of Science and Technology, te na osnovu date prethodne saglasnosti Vlade Kantona Sarajevo broj: 02-05-30955-7/15 od 02.12.2015. godine, i Odluke Skupštine Kantona Sarajevo o davanju saglasnosti za osnivanje srednje škole Gimnazije Univerziteta Sarajevo School of Science and Technology, Sarajevo broj: 01-05-32676/15 od 21.12.2015. godine konstatirala da su ispunjeni uvjeti za osnivanje Gimnazije Univerziteta Sarajevo School of Science and Technology, Sarajevo, te da pomenuta gimnazija može početi sa radom od školske 2016/2017. godine.

Ministarstvo za obrazovanje, nauku i mlade Kantona Sarajevo utvrdilo je da su za izdavanje predmetnog rješenja ispunjeni svi uvjeti predviđeni Zakonom o srednjem obrazovanju, pa je riješeno kao u dispozitivu ovog rješenja.

Pouka o pravnom lijeku: Ovo rješenje je konačno u upravnom postupku, te protiv njega nije dopuštena žalba, ali se može pokrenuti upravni spor podnošenjem tužbe Kantonalnom sudu u Sarajevu u roku od 30 dana od dana prijema ovog rješenja.

Dostavljeno:

- Školi,
- U dosije Registra i
- Arhivi.



Prof. dr. Emir Kazazović



web: <http://www.mon.ks.gov.ba>
e-mail: mon@mon.ks.gov.ba

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

